



Innkalling av Alver formannskap

Møtedato: 08.09.2022
Møtestad: Helsehuset, møterom Nordhordland
Møtetid: 09:00 -

Eventuelle forfall må meldast til <https://www.alver.kommune.no/innhold/politikk-og-hoyringar/politikk/melde-forfall-til-politiske-mote/>

Varamedlemmer møter berre etter nærare avtale.

Sakliste

Saknr	Tittel
078/22	Godkjenning av innkalling og sakliste
079/22	Godkjenning av møteprotokoll
080/22	Kommuneplanen sin arealdel for Alver - Planprogram på høyring
081/22	Høyring planprogram regional plan for senterstruktur og berekraftige lokalsamfunn
082/22	Byggeprogram - bufellesskap
083/22	Evaluering: Styringsgruppa sin prosess med kommuneplanen sin samfunnsdel for Alver kommune 2022-2034
084/22	NOU 2022: 6 «Nett i tide – om utvikling av strømnettet» Høyringsuttale
085/22	Miljøløftet - Statusrapport 2021
086/22	TV-aksjonen 2022 - Leger uten grenser
087/22	Søknad frå fellesrådet om tilskot til tomtekjøp Frekhaug u.off.
088/22	Økonomiplan 2023-2026
089/22	Melding/orientering til formannskapet 08.09.2022

1. september 2022

Sara Hamre Sekkingstad
ordfører

Tove-Mette Arnø Fyllingen
møtesekretær

Arkiv: <arkivID><jplD> FE-033
JournalpostID:
Sakshandsamar:
Dato: 01.09.2022

Saksframlegg

Saksnr.	Utval	Møtedato
078/22	Alver formannskap	08.09.2022

Godkjenning av innkalling og saksliste

Kommunedirektøren sitt framlegg til vedtak:

Innkalling og saksliste vert godkjent.

Arkiv: <arkivID><jplD> FE-033
JournalpostID:
Sakshandsamar:
Dato: 01.09.2022

Saksframlegg

Saksnr.	Utval	Møtedato
079/22	Alver formannskap	08.09.2022

Godkjenning av møteprotokoll

Kommunedirektøren sitt framlegg til vedtak:
Møteprotokollen vert godkjent.

Arkiv: <arkivID><jplID>
PlanID-2022001,
Plannavn-
Kommuneplanen
sin arealdel for
Alver, Komnr-4631,
FA-L13

JournalpostID:
Sakshandsamar:
Dato: 24.08.2022

Saksframlegg

Saksnr.	Utval	Møtedato
034/22	Eldreråd	05.09.2022
034/22	Råd for menneske med nedsett funksjonsevne	05.09.2022
030/22	Ungdomsråd	05.09.2022
033/22	Utval for helse og omsorg	06.09.2022
029/22	Utval for næringutvikling og drift	07.09.2022
048/22	Utval for oppvekst, kunnskap og kultur	06.09.2022
080/22	Alver formannskap	08.09.2022

Kommuneplanen sin arealdel for Alver - Planprogram på høyring

Kommunedirektøren sitt framlegg til vedtak:

Saka blir lagt fram for politisk drøfting.

Politisk handsaming

Saka skal til uttale i ungdomsråd, eldreråd, råd for menneske med nedsett funksjonsevne, utval for oppvekst, kunnskap og kultur, utval for helse og omsorg, utval for næringsutvikling og drift og formannskapet.

Vedtak i dei ulike råd og utval teke med i politisk sak om planprogrammet etter høyring og offentlig ettersyn. Etter høyringa skal planprogrammet handsamast i utval for areal, plan og miljø, før endeleg vedtak i kommunestyret.

Bakgrunn

15. juni 2020 vedtak utval for areal, plan og miljø å sende planprogrammet for kommuneplanen sin arealdel for Alver ut på høyring og offentlig ettersyn. Høyringsfrist er 15. september 2022.

Planprogrammet skal til handsaming i utval for areal, plan og miljø 5. oktober, med sikte på endeleg vedtak i kommunestyret 20. okt. 2022.

Administrasjonen er bedt om å løfte opp planprogrammet som sak til alle politiske råd og utval, slik at utvala kan gje eventuelle innspel til planprogrammet.

Saksopplysninger:

Kommuneplanen er todelt, og består av ein samfunnsdel og ein arealdel. 19. mai 2022 vedtok kommunestyret i Alver samfunnsdelen. Samfunnsdelen seier korleis vi vil utvikle samfunnet, kva vi skal satsa på, kva visjonar og mål vi har for framtida – og kva vi må gjere for

å koma dit. No arbeider vi med kommuneplanen sin arealdel for Alver. Arealdelen seier korleis vi skal utvikle areala våre, kva vi skal leggje til rette for kor i kommunen, til dømes kor vi skal byggje nye hus, vegar, møteplassar og næring.

Alle planar med vesentleg verknad for miljø og samfunn skal ha eit planprogram, jf. plan- og bygningslova §4-1. Planprogrammet skal vise planområdet, føremål med planen, kva tema som skal vurderast, utgreiingsbehov, korleis planarbeidet er organisert, opplegg for medverknad og framdriftsplan. Det er planprogrammet som er på høyring no.

For tilgang til planprogrammet som er på høyring, sjå høyringssida for planarbeidet: [Alver kommune - Planprogram for arealdelen i kommuneplanen på høyring](#)

Vedlegg i saken:

25.08.2022	Planprogrammet for kommuneplanen sin arealdel - Alver kommune - Framlegg til vedtak om høyring og offentlig ettersyn	1790670
------------	--	---------

Arkiv: <arkivID><jplID> FE-121, TI-&13
JournalpostID:
Sakshandsamar:
Dato: 27.08.2022

Saksframlegg

Saksnr.	Utval	Møtedato
081/22	Alver formannskap	08.09.2022
116/22	Utval for areal, plan og miljø	07.09.2022
	Alver kommunestyre	

Høyring planprogram regional plan for senterstruktur og berekraftige lokalsamfunn

Kommunedirektøren sitt framlegg til vedtak:

Kommunestyre sluttar seg merknadane til planprogram for regional plan for senterstruktur og berekraftige lokalsamfunn.

Politisk handsaming

Saka skal til uttale i utval for areal, plan og miljø
Saka skal til innstilling i formannskapet
Saka skal avgjerast i kommunestyret.

Bakgrunn

Vestland fylkeskommune har sendt planprogram for regional plan for senterstruktur og berekraftige lokalsamfunn på høyring. Planprogrammet er «planen for planen», altså ei bestilling på kva som skal prioriterast i sjølve planprosessen. Høyringsfrist er 23. september.

Saksopplysninger:

I utviklingsplan for Vestland 2020-2024 vert det peika på behov for ein ny regional plan for senterstruktur for Vestland. Planen skal samordne lokalisering av bustader, arbeidsplassar, tenester, service og handel. Eit viktig mål er å peike ut regionsenter som skal vere motor og drivkraft i sine omland, og bidra til verdiskaping og konkurransekraft, sterke bu- og arbeidsmarknader, og utjamning av sosial og økonomisk ulikskap. Ei tenleg arbeidsdeling mellom senter med ulik storleik og funksjon, vil bidra til ei berekraftig og konkurransedyktig samfunnsutvikling, og gjere det mogleg å drive næring og leve gode liv i heile fylket.

Vestland fylke ynskjer tilbakemelding i høyringa av planprogrammet:

- innan dei føreslegne plantema
- medverknad i planarbeidet

- andre relevante innspel i planarbeidet

Samfunnsdelen for Alver kommune har som eit hovudmål at Alver er eit berekraftig samfunn, med attraktive senter, levande bygder og grender.

Regional plan for senterstruktur og berekraftig utvikling vil vere med å legge rammer for korleis vi skal utvikle sentera og lokalsamfunna våre. Dette er difor ein viktig plan for Alver. Det er føreslått seks plantema i regional plan for senterstruktur og berekraftige lokalsamfunn.

Alver kommune sin utfale til planprogrammet

1. Senterstruktur

Ny regional plan for Vestland skal fastsetje ein heilskapleg og samordna senterstruktur som grunnlag for framtidig utvikling. Det blir også lagt opp til å vurdere ein ny senterstruktur i Vestland.

Alver kommune sitt innspel på plantema:

Knarvik har i dag status som regionsenter. Utvikling av eit regionsenter tek tid og er ei langsiktig satsing. Alver meiner at det vil vore uheldig at senterstruktur eller regionsenterstatus skal endrast i Nordhordland og i regionsentera rundt Bergen. Eit slikt arbeid vil krevje ein omfattande prosess som tek tid, grundige analyser og medverknad.

For Alver kommune og regionen er det viktig å byggje vidare på Knarvik som ein motor i regionen. Eit sterkt Knarvik er og ein god strategi for å motverke negative effektar av sentralisering mot Bergen. Regionale tilbod som vidaregåande skular og regionalt helsetilbod i Knarvik er med på å leggje til rette for eit sterkt Nordhordland.

Det er svært viktig at Alver og andre regionsenterkommunar er tett på prosessen med dette plantema.

2. Utbyggingsmønster og arealbruk

Planarbeidet skal gjere greie for prinsipp for arealbruk. Det er lagt nokon føringar i planprogrammet, mellomanna er det slått fast eit prinsipp for «innanfrå og ut» utbygging: «Vi skal fortette i allereie bygde område før vi bygger ned nye og mindre sentrale område. Dette prinsippet gjeld i ulike målestokkar, frå den største byen vår til dei små grendesentra.» Prinsipp for å hente ut potensialet i eksisterande infrastruktur og prinsipp for sentrumsavgrensing vil og bli drøfta i planarbeidet. Planprogrammet seier også at i planprosessen skal ein vurdere å utarbeide differensierte retningsliner og prinsipp for utbyggingsmønster i ulike deler av fylket.

Alver kommune sitt innspel på plantema:

Samfunnsdelen slår fast vegval for utvikling av sentra i Alver, der vi skal byggje vidare på og utvikle tilbod i sentera. Dette støttar og prinsipp som det blir lagt opp til i planprogrammet.

Samfunnsdelen slår fast at Alver skal ta heile kommunen i bruk. Det betyr at kommunen ønsker at det skal vere mogleg å byggje bustader og utvikle lokalsamfunna også utanfor dei definerte sentra.

Det er eit godt og naudsynt grep med differensierte retningsliner og prinsipp for utbyggingsmønster i ulike deler av fylket. Vestland fylke har svært ulike utfordringar med omsyn til senterutvikling. Alver er stor i areal og har ulik busetnadsstruktur. Vi har tettbygde

områder i aksene Frekhaug -Knarvik -Alversund. Vi har lokal og nærsenter med ein del funksjoner og meir spreidd busetnad over heile kommunen. Det betyr at det må vere mogleg å bygge bustader også utanfor sentra og regionsenteret. Det kan såleis vere behov for differensierte retningslinjer også innan kommunen.

3. Lokalisering av arbeidsplassar, tenester og tilbod

Planarbeidet skal sjå på kva funksjonar og tenester eit regionsenter bør tilby, og kvar det bør lokaliserast. Planarbeidet skal vurdere korleis fylkeskommunen bør koordinere sine innsatsområde geografisk for å stø opp om utvikling av sentra.

Planen bør og ta sikte på å definere statlege og kommunale ansvarsområde / funksjonar som bør lokaliserast tilsvarande, dimensjonert i høve til senterstatus.

Planarbeidet vil sjå nærare på prinsipp og retningslinjer for lokalisering av knutepunktsfunksjonar for kollektivtransport.

Alver sitt innspel på plantema:

Kommunen kjenner best utfordringane og moglegheitene i regionsentera.

Tema «planarbeidet skal sjå på kva funksjonar og tenester eit regionsenter bør tilby, og kvar det bør lokaliserast» framstår som utfordrande. Regionsenter i Vestland vil ha svært ulike problemstillingar knytt til funksjonstilbod og tenestetilbod. Det bør ikkje definerast i denne planen kva som skal verte tilbydd og kvar det skal lokaliserast. Den fylkeskommunal planen bør peike på overordna prinsipp knytt til regionsenterutvikling.

Det er uklart kva som ligg i formuleringa : «Planen bør og ta sikte på å definere statlege og kommunale ansvarsområde / funksjonar som bør lokaliserast tilsvarande, dimensjonert i høve til senterstatus». Å definere kommunale sentrumsfunksjonar er kommunen si oppgåve og vert gjort gjennom overordna planlegging.

Det er eit godt plangrep å sjå på prinsipp for lokalisering av knutepunkts funksjoner og kollektiv punkt. Dette arbeidet må vere i tett dialog med kommunen som har arealmynde.

4. Utforming av omgjevnader

Planen skal avklare overordna prinsipp og generelle retningslinjer som grunnlag for politiske avvegingar og prioriteringar som sikrar kvaliteten i utforming av omgjevnadane våre. Planen skal løfte fram verkemiddel og viktige innsatsområde og legge eit grunnlag for å etablere samarbeid og partnerskap for ønska resultat.

Alver kommune sitt innspel på plantema:

Det litt uklart kva som ligg i formuleringa «overordna prinsipp som sikrar kvaliteten i omgjevnadane». Kva vil dette bety for kommunane si saksbehandling knytt til arealsaker? Planen har ei viktig rolle i å gje råd og utvikle samarbeidsarena om tema knytt til utforming av omgjevnadane.

5. Bustadpolitikk

I planarbeidet vil vestland fylke sjå på det marknadsstyrte bustadsegmentet, og kva den offentlege bustadpolitikken skal vere framover. Planarbeidet vil sjå nærare på korleis kommunar kan stimulere til auka bustadbygging tilpassa behov, varierte bustadtypar, -storleik og -pris, m.a. gjennom samarbeid med næringsliv og Husbanken.

Alver kommune sitt innspel på plantema:

Dette er eit omfattande tema som og er eit viktig politikkområde nasjonalt.

Dette arbeidet kunne vore ein del av eit handlingsprogram og ikkje eit eige plantema.

6. Medverknad i planarbeidet

Medverknad i planlegging (pbl. § 5-1) er viktig for å sikre forankring, oppnå ei felles forståing for kunnskapsgrunnlaget og utfordringane, samt at ein i fellesskap kan einast om både utfordringane og løysingane. Fylkestinget skal vedta planen i juni 2023.

Alver kommune sitt innspel til medverknad:

Alver vil understreke at ein regional plan for berekraftige regionsenter og levande lokalsamfunn vil krevje ein brei medverknadsprosess. Framdrifta for arbeidet er stram og det er mange omfattande plantema som er skissert.

Kommunane er planmynde og avgjerande for å setje tiltak ut i live. Ein regional plan, samt planprosessen, vil kunne vere nyttig for kommunar som også utarbeider samfunns- og arealplanar. Alver kommune er i gang med arbeidet med arealplanen og ynskjer å delta i eit felles fora for å drøfte problemstillingar knytt til planarbeida. Ein slik arena vil kunne styrke både den regionale planen og kommuneplanen sin arealdel i Alver.

Alver kommune vil understreke betydninga av at kommunane får høve til å vere kobla på planarbeidet gjennom våre lokalpolitiske prosesser. Difor vil setninga i planprogrammet «Høyringsperioden vil så langt som råd bli tilpassa regional og kommunale møtekalendrar.» vere viktig for den reelle medverknaden til denne viktige planen.

Vedlegg i saken:

08.08.2022 Utkast til Planprogram endeleg til FU (4).pdf

1782729

Arkiv: <arkivID><jpID>
FA-L40
JournalpostID:
Sakshandsamar:
Dato: 22.05.2022

Saksframlegg

Saksnr.	Utval	Møtedato
030/22	Råd for menneske med nedsett funksjonsevne	30.05.2022
066/22	Alver formannskap	02.06.2022
025/22	Utval for helse og omsorg	31.05.2022
032/22	Utval for helse og omsorg	06.09.2022
082/22	Alver formannskap	08.09.2022
	Alver kommunestyre	

Byggeprogram - bufellesskap

Kommunedirektøren sitt framlegg til vedtak:

Kommunestyret vedtek byggeprogram for nytt bufellesskap for menneske med utviklingshemming slik det ligg føre i saka.

Råd for menneske med nedsett funksjonsevne 30.05.2022:

Handsaming:

Line Valle-tenesteleiar Eigedomsforvaltning og Prosjekt, og Bernt Fjordheim-tenesteleiar Habilitering orienterte og svarte på spørsmål.

Framlegg frå Reidar Knutsen:

RMNF kan ikkje støtta bygging av bufellesskap for 5-6 bebuarar i Skarsvegen 29. Tomta synest lite egna for bufellesskap, og det er ikkje ei god løysing å samlokalisera bebuarar med dei utfordringane administrasjonen beskriv. Bustadar for menneske med utviklingshemming bør ligge i normale bustad-miljø med utsikt og lys, gjerne sentralt, og i alle fall ikkje ha institusjonspreg. Om ein bebuar treng spesiell skjerming, bør det løysast gjennom lokalisering og tilpassing innanfor eit normalt bustad-miljøet. Ein bør ikkje samlokalisera mange bebuarar med utfordrande åtferd og behov for skjerming. Kanskje er einebustad då det beste, i alle fall ikkje saman med nokon som er sensitive mot lyd eller kan bli ekstra redde og usikre ved utfordrande åtferd frå naboane. Det er mykje viktigare å sikra ei god løysing for bebuarane som gjerne skal bu der resten av livet, heller enn å følge opp det administrative vedtaket frå Lindås kommune om å kjøpa Skarsvegen 29, og påstandane om stordriftsfordelar og om at alternative vil gje betydeleg utsetjing. NFU har heile tida våre imot bufellesskapet i Skarsvegen 29, og forskning tilbakeviser påstandane om stordriftsfordelar og sosiale fordelar ved store bufellesskap. Dersom ein mindre sentral lokasjon likevel blir valt, rangerer RMNF Kvamsvegen høgast, framfor Moldekleiv.

Under avrøystinga vart framlegget frå Reidar Knutsen sett opp mot kommunedirektøren sitt framlegg:

Framlegget frå Reidar Knutsen vart vedteke med 6 røyster (Sølvi Knutsen-Sp, Reidar Knutsen, Magne Bjørndal, Liv Erstad, Edith Jørgenvik, Svein Arne Vabø) mot 1 røyst (Jannicke Helland). Else Marie Dale-Krf tek saka til orientering.

RMNF- 030/22 utfale:

RMNF kan ikkje støtta bygging av bufellesskap for 5-6 bebuarar i Skarsvegen 29. Tomta synest

lite egna for bufellesskap, og det er ikkje ei god løysing å samlokalisera bebuarar med dei utfordringane administrasjonen beskriv. Bustadar for menneske med utviklingshemming bør ligge i normale bustad-miljø med utsikt og lys, gjerne sentralt, og i alle fall ikkje ha institusjonspreg. Om ein bebuar treng spesiell skjerming, bør det løysast gjennom lokalisering og tilpassing innanfor eit normalt bustad-miljøet. Ein bør ikkje samlokalisera mange bebuarar med utfordrande åtferd og behov for skjerming. Kanskje er einebustad då det beste, i alle fall ikkje saman med nokon som er sensitive mot lyd eller kan bli ekstra redde og usikre ved utfordrande åtferd frå naboane. Det er mykje viktigare å sikra ei god løysing for bebuarane som gjerne skal bu der resten av livet, heller enn å følge opp det administrative vedtaket frå Lindås kommune om å kjøpa Skarsvegen 29, og påstandane om stordriftsfordelar og om at alternative vil gje betydeleg utsetjing. NFU har heile tida våre imot bufellesskapet i Skarsvegen 29, og forskning tilbakeviser påstandane om stordriftsfordelar og sosiale fordelar ved store bufellesskap. Dersom ein mindre sentral lokasjon likevel blir valt, rangerer RMNF Kvamsvegen høgast, framfor Moldekleiv.

Utval for helse og omsorg 31.05.2022:

Handsaming:

Line M. Valle-tenesteleiar Eigedomsforvaltning og prosjekt og Bernt Fjordheim-tenesteleiar habiliteringstenester orienterte og svara på spørsmål.

May-Irene Wergeland-SP sette på vegne av AP, SP og KRF fram følgjande framlegg til uttale: Prosjektet Bufellesskap i Skarsvegen 29 leggst vekk i sin heilskap. Vi bed administrasjonen koma attende med ei utgreiing av tomtealtalternativa på Erstad og Moldekleiv. Desse vurderast opp mot einannan ut frå desse premissane:

- *avstand til naboar*
- *avstand til trafikkert veg*
- *avstand til butikk/senter*
- *støy/uro*
- *soltilhøve for tomtane slik dei ligg i dag utan bebygging*
- *moglegheiter for uteaktivitetar/hage tilpassa ulike brukarar*
- *plass til parkering for bebuarar, gjestar og tilsette*
- *storleik på tomten*

Administrasjonen kjem attende med politisk sak om val av tomt

Fellesframlegget frå M.I.Wergeland vart sett opp mot rådmannen sitt framlegg. Wergeland sitt framlegg fekk 6 røyster og vart samrøystes vedteke (det var seks medlemmar i utvalet i dette møtet).

HO- 025/22 uttale:

Prosjektet Bufellesskap i Skarsvegen 29 leggst vekk i sin heilskap. Vi bed administrasjonen koma attende med ei utgreiing av tomtealtalternativa på Erstad og Moldekleiv. Desse vurderast opp mot einannan ut frå desse premissane:

- *avstand til naboar*
- *avstand til trafikert veg*
- *avstand til butikk/senter*
- *støy/uro*
- *soltilhøve for tomtane slik dei ligg i dag utan bebygging*
- *moglegheiter for uteaktivitetar/hage tilpassa ulike brukarar*

- plass til parkering for bebuarar, gjestar og tilsette
- storleik på tomten

Administrasjonen kjem attende med politisk sak om val av tomt.

Alver formannskap 02.06.2022:

Handsaming:

Framlegg frå S.Sekkingstad-SP:

Formannskapet sender saka tilbake til utval for helse og omsorg for ny politisk handsaming. Formannskapet ber om at utval for helse og omsorg vurderer gildskap før handsaming av saka.

Framlegget vart samrøystes vedteke.

FO- 066/22 Vedtak:

Formannskapet sender saka tilbake til utval for helse og omsorg for ny politisk handsaming. Formannskapet ber om at utval for helse og omsorg vurderer gildskap før handsaming av saka.

Politisk handsaming

Saka skal til uttale i råd for menneske med nedsett funksjonsevne

Saka skal til uttale i helse og omsorg

Saka skal til innstilling i formannskap

Saka skal avgjerast i kommunestyret

Bakgrunn

Kommunen skal tilby opphald i sjukeheim eller tilsvarande bustad særskilt tilrettelagt for heildøgns tenester dersom dette etter ei helse- og omsorgsfagleg vurdering er det einaste tilbodet som kan gje brukaren nødvendige og forsvarlege helse- og omsorgstenester (Lov om kommunale helse- og omsorgstenester mm, §3-2 a)

Det vart i Formannskapet i Lindås kommune 18.02.2016 samrøystes vedteke prosjektmandat for utarbeiding av byggjeprogram for bufellesskap (saksnr 013/16, arkivsak 16/466). Gjennom Bustadsosial handlingsplan 2017-2021 vedteke i KO 21.juni 2017 er det lagt fram behov om etablering av sju omsorgsbustader pluss for funksjonshemma der ein av desse skal vere ein avlastningsbustad/akuttbustad.

Sidan vedteke prosjektmandat har prosjektet møtt på ulike utfordringar som har gjort at realisering av nytt bufellesskap har teke lengre tid enn planlagt.

Ved kommunesamanslåinga måtte ein sjå på behova til kommunen på nytt for denne brukargruppa. Behova i dag er fem til seks omsorgsbustader pluss med tilhøyrande personalbase. Arbeidsgruppa har arbeidd vidare med byggjeprogrammet frå tidlegare Lindås kommune og gjort endringar og tilpassingar ut i frå behova til Alver kommune.

Det er eit stort behov for nye omsorgsbustader pluss (heildøgns bemanna) for gruppa funksjonshemma i Alver kommune. Per 2022 ligg dei fleste omsorgsbustadene i sentrums-område. Det er få tilbod til grupper som treng andre omgjevnader der ein i større grad kan vere skjerma frå t.d. støy og andre forstyringar. Eit nytt bufellesskap vil føre til betre tenester og betre livskvalitet for bebuarane, og vil krevje mindre ressursar totalt sett.

Behovet hjå kommunen sine innbyggjarar er definert til å vere eit nytt bufellesskap med skjerma lokalisering. I dette tilfellet tyder det i landlege omgjevnader i ca. 10-15 min køyreavstand frå Knarvik.

Ved utvalsmøte for helse og omsorg den 22.03.22 vart saka utsett og sendt tilbake då både RMNF og HO ønska synfaring i Skarsvegen 29 samt tre alternative tomter som har vore vurdert i prosjektet. Det vart gjennomført synfaring for RMNF den 02.05.22 og HO den 03.05.22.

Saksopplysningar:

I samband med handsaminga av saka i førre politiske møterunde kom det opp spørsmål knytt til dei alternative lokalitetane til Skarsvegen 29 og konkrete spørsmål knytt til eigedommen i Skarsvegen 29.


Utval for helse og omsorg ynskte svar på følgande:

1. Når vil moglegheitstudiet sine svar vere diskvalifiserande for vedtaket om bygging i Skarsvegen 29.
2. Mogleg innverknad frå mogleg veg frå Alversund mot området Tredalsegga via Skarsvegen 29
3. Kor stort blir tapet av dyrka/dyrkbar/landbruksland?
4. Solfilhøve (årsstudie)

Under følger omtale og vurdering av dei tre alternative lokalitetane dersom denne skulle falle bort grunna Statens vegvesen si bandlegging av området. Dei aktuelle eigedommane er markerte med lilla punkt.

Gnr./Bnr. 141/1 Kvamsvegen 18

- Relativ ny reguleringsplan er vedtatt for dette området
- Området er regulert til LNF i reguleringsplan for Stølshaugane.
- Det er vurdert at det ikkje er ønskeleg å gjere dette til offentleg tenesteytingsområde då området ligg i omsynssone landbruk (fulldyrka og overflatedyrka) – i dette område er det viktig å ta vare på dyrkamark. I dialog med statsforvaltaren i samband med reguleringsplan for Stølshaugane var det klar tilbakemelding om at det ikkje var aktuelt med meir utbygging i dette området.
- Formålet er i konflikt med nasjonale og regionale føringar for lokalisering av bustader, i forhold til at en skal «oppretthalde kulturlandskapet gjennom å leggje til rette for aktiv drift og ta vare på verdifull landbruksareal»
- Det er ein omfattande prosess å forsøke å få arealet omdisponert til tenesteyting. Ein må i tilfelle først få riktig formål i overordna plan, i tillegg må det detaljregulerast. Framdrifta til prosjektet vil utsetjast minimum 3-4 år.



Gnr./Bnr. 1/20 Flatøy

- Her er det ønske om en stor bustadutbygging og fortetning og ein betre infrastruktur for området - området ligg ikkje skjerma og er støyutsatt med tanke på brukarane sine behov.
- Omsynssone E39 vil trolig gjere prosessen her vanskeleg.
- Tung prosess å få dette omgjort til offentlig tenesteyting. Formålet må forankrast i overordna plan, i tillegg må det regulerast. Framdrifta vil utsettast minimum 3-4 år.
- Området har ei bustadreserve som bør sikrast med tanke på framtidig utvikling av Flatøy.



Gnr./Bnr. 326/2 Moldekleiv

- LNF – område → Krev dispensasjon frå LNF føremål (Satt av til LNF i KDP for Meland)
- Det må sikrast løyve om utvida bruk av avkøyring til fylkesveg. Per i dag er dette vanskeleg då det skal i gang med arbeid langs fylkesvegen. (NH-pakken)
- Eigedommen er ikkje regulert
- Vedtatt ny fylkesveg Ådlandsvegen – Fosse – Moldekleiv
 - Ferdigstillelse tidlegast 2025?
 - Usikkerheit rundt prossesane frå VLFK som kommunen ikke har kontroll over
- Rekkefølgekrav knytt til ny fylkesveg vil utsette framdrift.
 - Deriblant at det vil bli gitt avslag på dispensasjons søknader fram til fylkesveg er ferdigstilt
 - Mogeleg ferdigstilling av bufellesskap tidligst 2027-2028



Svar på spørsmåla frå utval for Helse og omsorg:

1. Når vil moglegheitstudiet sine svar vere diskvalifiserande for vedtaket om bygging i Skarsvegen 29.

Kriteria for val av lokalitet ligg fast. Fram til i dag har Skarsvegen dei beste eigenskapane sett ut frå dei kriteria som brukargruppa har lagt fram. Difor er Skarsvegen valt som lokalitet i byggjeprogrammet som var vedteke i tidlegare Lindås kommune. No har ein sett på Alver sine behov og skalert prosjektet deretter. Difor skal byggjeprogrammet opp igjen for nytt vedtak. Det har ikkje vore tenkt at anna enn det naudsynte skal endrast. Lokaliteten ligg fast etter at SVV oppgav bandleggingssona for sidearm frå E39.

Mogelegheitsstudie skal vise korleis vi på best mogeleg vis kan bruke tomte for å få på plass dei funksjonane som trengs for å bygge eit bufellesskap.

Dei behov som kommunen har for det nye bufellesskapet kan også gje gevinstar i form av høgare standard på veg, tilknytning til offentleg vatn og avløp etc.

Målet for prosjektet er å bygge et anlegg som treff brukarane sine behov på best mogleg måte. I tillegg skal det gjerast gode tilpassingar til naboar og ålmenta. Byggjeprogrammet er eitt steg på vegen mot realisering. I tillegg skal også forprosjekt inkludert økonomiske rammer opp til eige vedtak. Økonomi kan vere eitt av momenta som kan gjere at prosjektet stoppar opp. Behovet for etableringa er stort og kommunen har eit krav på seg til å gje tenester til dei som treng det. Truleg veg dette tungt ved ei avgjerd.

2. *Mogleg innverknad frå mogleg veg frå Alversund mot området Tredalsegga via Skarsvegen 29?*

Dette alternativet vil ikkje bli tilrådd av SVV, då det kom dårlig ut i den samfunnsøkonomiske analysen deira knytt til utgreiing av ny E39-trase mellom Faltøy og Eikefet. Traseen mot Alversund er skrinlagt frå Statens vegvesen pr no. Kva som vil skje knytt til nasjonale vegprosjekt i framtida er vanskeleg å seie noko sikkert om.

Alver kommune har vore i dialog med SVV og dei har ingen innvendingar mot at det blir starta opp arbeid med moglegheitsstudie og eventuelt detaljregulering parallelt med ferdigstilling av kommunedelplan E 39 Flatøy-Eikefettunnelen.

Dersom ein framover i tid vel å gå tilbake på konklusjonen som ligg i dag, og likevel finn ut at det er samfunnsøkonomisk forsvarleg vil også forutsetningane for vegprosjektet ha endra seg. Det vil verre ein heilt ny prosess med andre og nye hensyn som må kartleggast og vurderast om det blir aktuelt.

3. *Kor stort blir tapet av dyrka/dyrkbar/landbruksland?*

Eigedommen er registrert med 20 daa innmarksbeite. Det kan stillast spørsmål om arealet oppfyller kravet til innlandsbeite i dag. Eigedommen har ikkje vore i aktiv drift de seinaste 10-15 år og er attgrodd. Det må vurderast om til dømes skog hadde vore rettare kategori. Areal ute av drift forfell fort som jordbruksareal. Kommunen har plikt til å halde jordbruksareal i hevd dersom det ligg som LNF. Skarsvegen ligg i dag som offentleg tenesteyting.

Bilde 1 viser kva som idag er registeret som innmarksbeite og produktiv skog

Bilde 2 er flyfoto over eigedom frå 2020 og tilsvarande foto frå 2000



Gult areal: innmarksbeite

Grønt areal: Produktiv skog



Skarsvegen 29 i år 2020

Skarsvegen 29 i 2000

4. Soltilhøve (årsstudie)

Dette vil moglegheitsstudien seie noko om, men ein vil legge til rette for at bustadene blir plassert i på ein slik måte at det vil gi dei beste sol/-skuggetilhøve som tomte kan gje utifrå brukarane sine behov.

Økonomi/Innsparing i drift av bufellesskap:

Et nytt bufellesskap vil kunne effektivisere drifta og redusere bemanninga med ca. 9-11 årsverk. Det er laga ein kalkyle over bemanningsbehov og lønnskostnader ved å etablere nytt bufellesskap kontra slik det er organisert idag. Ved å etablere nytt vil det vere ein innsparing pr. år på om lag kr. 2,1-2,4 millionar, avhengig av kva for ein bemanningsmodell ein vel å bruke. Skulle prosjektet igjen bli utsett med 3-4 år vil dette gi ytterlegare tapte lønnsinnsparingar på om lag 6-10 millionar. Ein har allereie kome langt i prosjektet med Skarsvegen 29 som lokasjon. Behovet for tilrettelagte bustader for målgruppa er stor. Ved ytterlegare utsetjing av prosjektet vil brukarar enten måtte vente på bustad eller det må etablerast nye individuelle butiltak som er kostbart. Netto kostnad for eit slikt tiltak er estimert til om lag 2,5 millionar kroner pr. år pr. person. Fleire av brukarane bur i dag i eldre bustader som ikkje er optimale for brukarar og tilsette. Det brukast betydelege summer kvart år på særleg tilpassing og oppgraderingar i bustadane. I tillegg kjem kostnader til vedlikehald. Ved å bygge nytt vil det vere store økonomiske innsparingane for kommunen. Skarsvegen som lokasjon er primært valt for at brukarane skal få optimale butilhøve og tilrettelagte bustadar i omgjevnadar som vil vere med å skape trygghet for brukaren. I tillegg vil Skarsvegen som bufellesskap fungere som eit kompetansesenter, der ein har moglegheit for tett oppfølging av de tilsette som vil gjøre at kvaliteten på tenestene vil vore betre.

Ny økonomisk ramme

Ny økonomisk ramme for byggjeprojektet er vurdert til 36,25 mill. NOK

	opphaveleg budsjett	Endring i denne saka
--	---------------------	----------------------

Ramme ekskl. usikkerheit	22 mill. nok	29 mill. nok
ramme inkl. usikkerheit	25,3 mill. nok	36,25 mill. nok

Vedlegg:

Byggeprogram
- bufellesskap

Vedlegg:

Byggeprogram – Omsorgsbustader pluss – menneske med utviklingshemming

Vedlegg i saken:

23.05.2022	Byggeprogram - bufellesskap	1742429
22.08.2022	Vurdering habilitet	1788832
30.08.2022	Solstudie for Alver kommune red	1792799

Arkiv: <arkivID><jplD> FE-141, Plannavn-Kommuneplanen sin samfunnsdel, Komnr-4631

JournalpostID:

Sakshandsamar:

Dato: 01.09.2022

Saksframlegg

Saksnr.	Utval	Møtedato
083/22	Alver formannskap	08.09.2022

Evaluering: Styringsgruppa sin prosess med kommuneplanen sin samfunnsdel for Alver kommune 2022-2034

Kommunedirektøren sitt framlegg til vedtak:

- Saka blir lagt fram til politisk drøfting

Politisk handsaming

Saka skal avgjerast i formannskapet

Bakgrunn og fakta

Kommuneplanen sin samfunnsdel blei vedtatt av kommunestyret 19.05.2022 (sak 071/22).

Kommuneplanen sin samfunnsdel er den øvste planen i det kommunale planhierarkiet og er heimla i § 11-2 i plan- og bygningslova. I kommuneplanen sin samfunnsdel skal kommunen ta stilling til langsiktige utfordringar, mål og strategiar for kommunesamfunnet som heilskap og kommunen som organisasjon.

Samfunnsdelen er tett kopla til og legg føringar for arealdelen. Samfunnsdelen peiker på kva hovudutfordringar kommunen har og kva vi ønskjer å oppnå med samfunnsutviklinga. Arealdelen skal vise korleis vi skal bruke areala i kommunen for å oppnå dei mål og satsingar som er sett i samfunnsdelen.

Samfunnsdelen ser langt fram og visar korleis politikarar og tilsette i Alver kommune kan løyse kommunen sine utfordringar ilag med innbyggjarar, næringsliv, nabokommunar og andre regionale og statlege aktørar. Planen teiknar det store biletet, og blir følgt opp av detaljar i kommunedelplanar, temaplanar og handlingsplanar. Samfunnsdelen er eit overordna styringsdokumentet, og angår alle som bur, jobbar og lever i Alver. Etersom Alver kommune blei etablert 01.01.2020, er dette den første utgåva av kommuneplanen sin samfunnsdel.

Planfasene

Planprogram

Formannskapet i Alver kommune fatta i møte 19.03.2020, sak 027/20, vedtak om oppstart av arbeidet med kommuneplanen, og å leggje ut planprogram for kommuneplanen sin

samfunnsdel til offentlig høyring og ettersyn i samsvar med plan- og bygningslova §§ 11-12 og 11-13. Planprogrammet lå på høyring i perioden 16.04.20 til 02.06.2020. Det kom inn 17 uttaler, 13 frå offentlege mynde og 4 innspel frå innbyggjarar.

Formannskapet i Alver kommune vedtok 03.09.2020 (sak 075/20) framlegg til planprogram for kommuneplan sin samfunnsdel 2021-2033.

Kommunestyret vedtok framlegg til planprogram for kommuneplanen sin samfunnsdel 17.09.2020 (sak 098/20).

Planprogrammet gjer greie for føremålet med planarbeidet, planprosessen, plantema og opplegget for medverknad.

Medverknadsprosess

Frå september 2020 til mars 2021 blei det gjennomført ein medverknadsprosess ut mot innbyggjarar, lag, organisasjonar, næringsliv og kommuneorganisasjonen.

Medverknadsprosessen var ein felles prosess for kommunedelplan for oppvekst, kommunedelplan for helse og omsorg, sykkelstrategiarbeidet og arbeidet med mogleighetsstudien for nær- og lokalsentera i Alver.

I medverknadsprosessen var det møte og samtalar med innbyggjarar, næringsliv, råd, politikarar, barn, unge og tilsette i kommunen. Grunna koronapandemien blei fleire møte holdt digitalt. Med godt smittevernsomsyn fekk vi arrangert samtalar i dei ulike lokal- og nærsentera i tillegg.

Medverknadsprosessen er samla i sju rapportar:

1. Melding frå folket
2. Nærsenterstudie
3. Samtalar med råda
4. Tenketank med næringslivet
5. Mitt Alver
6. Digital samfunnsdialog
7. Melding frå administrasjonen.

Analyse- og strategifasen

Etter medverknadsprosessen med innbyggjarar og andre aktørar, starta det politiske strategiarbeidet med styringsgruppemøte i formannskapet 24.03.2021. I løpet av våren blei det gjennomført politiske arbeidsmøte med ulike utval og kommunestyret. Grunnlaget for desse arbeidsmøta var kunnskapsgrunnlaget og innspel frå medverknadsprosessen.

Først blei det gjennomført ein analysefase, der alle innspel frå både medverknadsprosess og politiske arbeidsmøte er samla i ei hovudanalyse. Denne analysen er brukt i arbeidet med peike ut visjon, mål og vegval som ble lagt inn i høyringsutkastet.

Høyringsutkastet til samfunnsdelen blei lagt fram for politisk handsaming i formannskapet 02.09.2021 (sak 76/21). Formannskapet gjorde følgjande vedtak i saka:

Formannskapet ser behov for ytterlegare arbeid, presiseringar og tydeliggjering i samfunnsplanen og vil difor ikkje leggja dokumentet på høyring og offentlig ettersyn på noverande tidspunkt. Formannskapet ber om eit nytt styringsgruppemøte for samfunnsplanen innan utgangen av september, der styringsgruppa får høve til å leggja inn bestillingar og forventningar som må arbeidast inn i planen før denne blir lagd ut på høyring.

Nytt høyringsutkast

I etterkant av formannskapsmøtet 2. september er det gjennomført to styringsgruppemøte,

29. september og 27. oktober, der styringsgruppa har kome med bestillingar på kva dei ønskjer å presisere og tydeleggjere i planen. Mellom anna er det lagt inn ein framtidsvisjon, som fortel kva ambisjon vi har for utviklinga fram mot 2040. Det er lagt inn fire hovudmål med delmål og konkrete strategiske vegval.

I tillegg ba styringsgruppa om eit kunnskapsgrunnlag for å peike ut nye senterstruktur og fleire nærsenter. Framlegg til ny senterstruktur med nye nærsenter blei lagt inn i nytt høyringsutkast.

Høyringsfasen og vedtatt plan

Formannskapet vedtok å sende forslag til kommuneplanen sin samfunnsdel for Alver kommune 2022-2034 ut på høyring og offentleg ettersyn i møte 11. 11.2021 (sak 096/21). Høyringsperioda var frå 17.11.2021 – 15.02.2022. Til saman kom det inn 61 innspel. 18 innspel frå offentlege mynde, 22 innspel frå lag og organisasjonar og 21 innspel frå privatpersonar.

Høyringsutkastet har vore annonsert på heimesida til kommunen, kommunen sin facebookside og i to lokalaviser.

Styringsgruppa ønskja å ha ein aktiv høyringsperiode. Frå november til februar blei det gjennomført ein "senterturne" ti stader i kommunen. Her prata ordførar og varaordførar med innbyggjarar om planen. I tillegg blei det arrangert fem høyringsmøte, i Knarvik, Frekhaug, Manger, Ostereidet og Lindås. I desse møta hadde ordførar, varaordførar og prosjektleiar ein presentasjon av høyringsutkastet, svara på spørsmål og deltok i diskusjon. Gruppleiarar frå ulike parti deltok og. I tillegg blei det arrangert eit fellesmøte mellom ungdomsrådet og kommunestyret med høyringsutkastet til samfunnsdelen som tema.

Som eit grep for å nå ut med informasjon om innhaldet i samfunnsdelen laga ordførar og varaordførar ein kortfatta digital presentasjon om hovudgrepa og intensjonen i planen. Denne presentasjonen var tilgjengeleg på kommunen sin heimeside.

Høyringsutkastet har også blitt presentert for leiargruppene i kommuneorganisasjonen og for politiske råd og utval. Samfunnsdelen har i tillegg vore til handsaming i råd og utval.

Handsaming av høyringsinnspela

Etter høyringsfasen blei det heldt to styringsgruppemøter for å handsame merknadane som kom til samfunnsdelen, og der styringsgruppa har kome med bestillingar på kva dei ønskjer å presisere og tydeleggjere i planen.

I det første styringsgruppemøte, 11. mars, la administrasjonen frem ein tematisk gjennomgang av høyringsinnspela med tilhøyrande drøfting.

Tema som blei tatt opp her:

- Klima og miljø
- Senterstruktur
- Sosial berekraft og livssyn
- Innspel frå innbyggjarar
- Prinsipp for arealbruk

I det andre styringsgruppemøte, 31. mars, presenterte kommunedirektøren sine framlegg til endringar i samfunnsdelen basert på høyringsinnspela, diskusjon med styringsgruppa 11. mars og avklaringar i administrativ styringsgruppe.

Kommunedirektøren la fram endringar på følgjande tema:

- Berekraftig samfunnsutvikling, klima og miljø
- Senterstruktur og busetjingsmønster
- Livssyn

- Mangfald
- Landbruk
- Samfunnstryggleik og beredskap
- Oppfølging av samfunnsdelen

Slutthandsaming

Torsdag 05.05.2022 hadde formannskapet samfunnsdelen til slutthandsaming. Kommunedirektøren sitt framlegg til vedtak er basert på prosessvedtaket frå styringsgruppemøte 31. mars, og kom med nokre nye framlegg til endringar. Oppsummering av kommunedirektøren sine framlegg til nye endringar i samfunnsdelen blei presentert i ein tabell i politisk sak.

Posisjonen ønskja å leggje intensjonsavtalen til grunn for val av nærsenter i samfunnsdelen.

Handsaming i formannskapet 5. mai:

- Framlegg frå M.Klemetsen-uavh. Framlegget om fleire nærsenter fekk fekk 4 røyster og fall.
- Framlegg frå Sp, Ap, KrF og H ved T. Larsen. Framlegget vart vedteke med 12 røyster mot 1.
- Kommunedirektøren sitt framlegg fekk 1 røyst og fall.

Handsaming i kommunestyret 19. mai:

- Framlegg frå MDG, SV og R ved Leif Johnsen – MDG. Framlegget fekk 13 røyster og fall.
- Framlegg frå uavh. M. Klementsens. Framlegget fekk 13 røyster og fall.
- Framlegg frå Sp, Ap, KrF og H ved Ø. Oddekalv – Ap. Framlegget vart vedteke med 29 røyster, mot 13 røyster.
- Kommunestyret vedtar kommuneplanen sin samfunnsdel, med heimel i plan- og bygningslova § 11- 15. Planen vart vedtatt med endringar.

Spørsmål til drøffing i formannskapet torsdag 8. september 2022:

1. Planprogram- og medverknadsfase
 - Korleis blei rolla som styringsgruppe ivaretatt i tidleg fase av planprosessen?
 - Analyse- og strategifasen
 - Kva meiner styringsgruppa om organiseringa av det politiske arbeidet i analyse- og strategifasen? Kva var bra, kva kunne vore betre og kva kunne eventuelt blitt gjort annleis?
 - Korleis kunne vi unngått «ekstrarunden» med å lage nytt høyringsutkast?
 - Kva meiner styringsgruppa om organiseringa av det politiske arbeidet i analyse- og strategifasen? Kva var bra, kva kunne vore betre og kva kunne eventuelt blitt gjort annleis?
 - Korleis kunne vi unngått «ekstrarunden» med å lage nytt høyringsutkast?
3. Utarbeiding av høyringsutkastet
 - Kva meiner styringsgruppa om fasen med utarbeiding av nytt høyringsutkast i perioda september til november (målformuleringar og framlegg til senterstruktur)?
4. Høyringsfasen
 - Korleis opplevde styringsgruppa høyringsfasen?

- Kva meiner styringsgruppa om arbeidet etter høyring fram mot endeleg vedtak i kommunestyret?

5. Andre synspunkt?

Vedlegg i saken:

01.09.2022

Alver_kommune_samfunnsdel2022-2034_digital

1794640

Arkiv: <arkivID><jplID>
FA-T00, TI-&13

JournalpostID:

Sakshandsamar:

Dato: 31.08.2022

Saksframlegg

Saksnr.	Utval	Møtedato
084/22	Alver formannskap	08.09.2022
	Alver kommunestyre	

NOU 2022: 6 «Nett i tide – om utvikling av strømmettet» Høyringsuttale

Kommunedirektøren sitt framlegg til vedtak:

1. Alver kommune sluttar seg til framlegga i NOU 2022: 6 «Nett i tide – om utvikling av strømmettet», under føresetnad om at den kommunale påverknaden i saksprosessen ikkje vert redusert.
2. Alver kommune rår til at det snarast vert utarbeidd ein nasjonal plan for utbygging av nett og kraftproduksjon, tilsvarande som NTP fungerer for vegbygging.

Politisk handsaming

Saka skal til innstilling i formannskapet
Saka skal avgjerast i kommunestyret

SAKSUTGREIING

Saka gjeld

Olje- og energidepartementet har sendt Strømnettutvalet si utgreiing NOU 2022: 6 «Nett i tide – om utvikling av strømmettet» på høyring.

Utgreiinga inneheld forslag til tiltak for å redusere tida det tar å utvikle og konsesjonshandsame nye, større nettanlegg. Videre vurderer utvalet prinsipp for å ivareta ei samfunnsøkonomisk utvikling av straumnettet i ei tid med stor uklarheit ved utvikling av forbruket. Utvalet foreslår moglege forbetringar ved systemet for tilknytningsplikt. Utvalet foreslår enkelte lov- og forskriftsendringar. Forbetringspotensialet er ifølge utvalet stort samanlikna med ordningane i dag.

Bakgrunn

For at Norge skal kunne nå sine klimamål i Klimaplanen for 2030 og kunne omstille seg til eit lavutsleppssamfunn i 2050, uttalte Solberg-regjeringa ved oppnemninga av utvalet at ein er avhengige av god framdrift i utbygginga av straumnettet. Samtidig vart det påpekt at bygging av nye kraftleidningar ofte inkluderer omfattande naturinngrep som medfører behov for grundig sakshandsaming med involvering av lokale og sentrale aktørar. Nettutbygging krev også store investeringar som må dekkast av brukarane sjølve.

Utvalet foreslår fleire effektiviseringstiltak. Dette går hovudsakelege på auka digitalisering og

betre samhandling mellom aktørane i konsesjonshandsaminga. Utvalet meiner at det er for dårleg samhandling mellom nettselskapa og konsesjonsmyndigheitene, for lite informasjonsutveksling og for mange manuelle prosesser og behandling. Her er det vesentleg potensiale for forbetringar.

Straumnettutvalet foreslår også å innføre fristar for departementet sine uttaler til konseptvalsutgreiingane og flytte ansvaret for ekstern kvalitetssikring frå nettselskapa til departementet. Dette forutset naturlegvis større effektivitet i handsaminga hjå departementet, noko utvalet meiner kan oppnåast ved at nettselskapa skal involvere aktuelle aktørar tidlegare og gjere grundigare forarbeid med søknadar og utgreiingar. Dessutan foreslår utvalet at konsesjonsmyndigheitene (NVE og departementet) skal få auka bemanning og ressursar. For mindre saker ønsker utvalet at «hurtigløpsystemet» skal forbeistrast hjå NVE.

Målet med effektiviseringstiltaka er at tida frå utgreiing til konsesjonshandsaming og bygging, den såkalla «ledetida», skal reduserast nokså kraftig. For store nettanlegg vil ledetida i dag på syv til fjorten år reduserast til mellom seks og åtte år dersom tiltaka vert følgt opp, ifølgje utvalet.

Straumnettutvalet foreslår fleire tiltak for å sikre ein samfunnsøkonomisk lønsam utvikling av straumnett. Statnett og Energi Norge anslår at for perioden 2021 til 2030 vil det bli investert mellom 160 til 200 milliardar kroner i straumnett. Desse kostnadane vil bli plassert hjå brukarane og det er naturlegvis viktig at de blir brukt mest mogleg effektivt. I tillegg inneberer nettutbygging irreversible naturinngrep som ikkje bør gjerast utan reelt behov. Utvalet peikar her på at den store usikkerheita i framtidig ressursbruk av straumnett er ei utfordring og meiner at det bør utviklast betre metodikk for berekning av framtidig utvikling. Samtidig vil straumnettutvalet at det gjennom økonomiske ordningar i større grad vert stimulert til betre utnytting av straumnett og trekk fram den nye nettleigemodellen som eit positivt tiltak. Utvalet trekk også frem energieffektivitetstiltak.

For eksisterande nett ønsker utvalet at kundar som sit på retten til å ta ut meir kraft enn det dei faktisk nyttar, skal betale basert på en kombinasjon av det de brukar (målt effekt) og det dei har reservert (abonnert effekt). Dette skal også gjelde for nye kundar som reserverer kapasitet. Tanken er då at nokon vil vurdere å gå over til å ikkje reservere kraft.

For nett som skal byggas ut, ønsker utvalet at kostnadene som hamnar hjå kunden skal framskundast i tid og blir forpliktande på eit tidlegare tidspunkt.

Tiltaka kan ifølgje utvalet bidra til å gi mindre usikkerheit rundt etterspurnaden etter nettkapasitet, noko som er ei stor utfordring i dag.

Til slutt foreslår utvalet fleire tiltak for å forbetre tilknytningsprosessen til straumnett. Her ønsker dei at det skal bli ein standardisert tilknytningsprosess, betre informasjonsutveksling, slik som å ha eit kart over ledig kapasitet i straumnett, auka tilsyn med nettselskapa og ein forbetra tildelingsprosess av kapasitet etter objektive kriteria.

Kommentarar frå Naturressurskommunane og Vindkraftkommunane:

«Strømnettutvalget overleverte tirsdag 14. juni sin utredning, NOU 2022:6 Nett i tide, til olje- og energiminister Terje Aasland. Utvalget fremmer en rekke forslag til tiltak for en bedre utnytting av eksisterende nett, mer effektive prosesser ved bygging av nytt kraftledningsnett og sterkere samordning mellom nettutviklingsplaner og kommunale arealplanprosesser. Naturressurskommunene er tilfredse med at et enstemmig utvalg påpeker behovet for større involvering av berørte kommuner, og på et tidligere tidspunkt i nytt nett. Det vises blant annet til at der det har vært «ingen eller lite kontakt med kommunen og berørte interesser i forkant av søknad, kan det få konsekvenser for den videre prosessen.» I kap. 13.4 Tidlig involvering og grundig forarbeid, heter det:

«Tidlig involvering av berørte parter i regi av nettselskapene legger grunnlaget for gode søknader og utredninger, raskere framdrift og økt lokal aksept for nye nettanlegg. Utvalget mener at NVE i veileder bør stille krav til nettselskapenes forarbeid og kontakt med berørte interesser i forkant av innsendelse av meldinger og konsesjonssøknader. Grundig forarbeid, gode utredninger og involvering kan redusere behovet for tilleggsutredninger og tilleggssøknader, og føre til færre klager på konsesjonsvedtak. Gjennom dialog skapes tillit til at prosessen fører til de beste løsningene for samfunnet som helhet, selv om ikke alle parter nødvendigvis vinner fram med sine innspill. Utvalget mener at kommunene bør informeres av

nettselskapene om saker som berører dem, før de mottar saken på høring fra konsesjonsmyndighetene. Utvalget anbefaler at nettselskapene ser sine planer opp mot kommunenes arealplaner så tidlig som mulig, og vurderer eventuelle tilpasninger før konsesjonssøknad sendes. Utvalget mener dette forslaget tar kort tid å innføre, krever ingen regelverksendringer og forventes å bidra til redusert konflikt og tidsbruk i den senere prosessen. Samlet redusert tidsbruk forventes av utvalget å kunne bli opptil 2 år i større saker.» Utvalgets anbefalinger er i tråd med de innspill Naturressurskommunene og Vindkraftkommunene har fremmet for utvalget som medlemmer av utvalgets referansegruppe.»

Utdrag i høyringsuttale frå Nordhordland Næringslag - på vegne av Næringsalliansen i Vestland:

«Strømnettutvalget har levert et grundig og godt arbeid og vi støtter alle anbefalingene utvalget kommer med.

Vi mener likevel at de anbefalte tiltak ikke er tilstrekkelige til å redusere tidsbruken i nettutviklingen slik at den møter behovene i det grønne skiftet og derved gir den troverdighet som kreves for å utløse de nødvendige investeringene fra privat kapital.

En helhetlig nasjonal plan for utbygging av nett og ny kraftproduksjon er nødvendig for å gi politiske ambisjoner på klima og ny grønn industri troverdighet. Et slikt system er allerede etablert på veibygging gjennom NTP.

Skal vi lykkes i å skape troverdighet i det grønne skiftet og sikre fremtidig eksportvekst og derigjennom sysselsetting og velferd, må nettet bygges ut basert på strategiske analyser av fremtidige behov og ikke reaktivt som i dag.»

Vurdering

Omstilling og utviklinga av ny industri og næring i Alver og særleg på Mongstad, har trong for framføring av vesentleg meir elektrisk kraft. Konsesjonshandsaminga og prosessane med bygging av slik større infrastruktur er i dag svært tidkrevjande, erfaringsmessig gjerne 7 - 14 år. Den framlagte utgreiinga NOU 2022: 6 «Nett i tide – om utvikling av straumnettet», peikar på ei lang rekke tiltak som kan korte ned på denne tida, utan at dette treng redusere kommunane sin medverknad og råderett.

Kommunedirektøren rår difor til at kommunestyret sluttar seg til konklusjonane i NOU 2022: 6 «Nett i tide – om utvikling av strømnettet», såframnt desse ikkje innskrenkar kommunen sin medverknad og råderett.

Vidare sluttar kommunedirektøren seg til Nordhordland Næringslag sin argumentasjon om å arbeide ut ein nasjonal plan for utbygging av nett og kraftproduksjon, tilsvarande som NTP fungerer for vegbygging.

Vedlegg i saka:

Utgreiinga er publisert på regjeringa si heimeside under NOU 2022: 6 – regjeringen.no
Direktelink: [NOU 2022: 6 - regjeringen.no](https://www.regjeringen.no/no/NOU-2022-6-om-utvikling-av-straumnettet)

Vedlegg i saken:

14.06.2022 Offentlig høring av NOU 2022: 6 Nett i tide - om utvikling av strømnettet 1755205

Arkiv: <arkivID><jplD> FE-122, TI-&37, TI-&01
JournalpostID:
Sakshandsamar:
Dato: 31.08.2022

Saksframlegg

Saksnr.	Utval	Møtedato
085/22	Alver formannskap	08.09.2022
	Alver kommunestyre	

Miljøløftet - Statusrapport 2021

Kommunedirektøren sitt framlegg til vedtak:

Alver kommune tek Miljøløftet sin statusrapport for 2021 til etterretning.

Politisk handsaming

Saka skal til innstilling i formannskapet
Saka skal avgjerast i kommunestyret

SAKSUTGREIING

Saka gjeld

Miljøløftet sin statusrapport er ei oppsummering av aktivitet og tiltak som er finansiert gjennom Miljøløftet i 2021. Statusrapporten gjev også ein oversikt over status på økonomi og måloppnåing i samarbeidet så langt.

Generelt om Miljøløftet

Miljøløftet er samarbeidet om gjeldande byvekstavtale for Bergensområdet (2019-2029), som er inngått mellom Samferdselsdepartementet ved Statens vegvesen og Jernbanedirektoratet, Kommunal- og distriktsdepartementet ved Statsforvaltaren i Vestland, Vestland fylkeskommune og kommunane Bergen, Alver, Askøy, Bjørnafjorden og Øygarden. Bompengepakka Bypakke Bergen (Prop. 11 S) er også ein del av Miljøløftet.

Status måloppnåing 2021

Miljøløftet oppfyller nullvekstmålet i 2021 sett mot referanseåret 2018. Samtidig indikerer utviklinga i reisemiddelfordelinga at mengda av bilbrukarar aukar i same periode, relativt til tal turar per person. Dette indikerer at oppfyllinga av nullvekstmålet i hovudsak skuldast at vi har reist mindre. Som i 2020 har innbyggjarane også i store deler av 2021 blitt oppfordra til ikkje å bruke kollektivtransport. Dette ser vi igjen i både passasjertal og reisevaneundersøkingar. Forholdsmessig er nedgangen i kollektivbruk klart større enn nedgangen i personbilreiser. På den positive sida bidreg nedgangen i talet på reiser under Covid-19 til ein vesentleg reduksjon i utsleppet av CO₂ frå vegtrafikken i 2020 (den ferskaste berekinga som ligg føre). Positivt er det også at reisemiddelfordelinga indikerer ei auke i prosentdelen av gåande i Bergensområdet. Delen sykklande går også svakt opp i perioden, samtidig som nedgangen i sykkelindeksen indikerer at færre sykklar gjennom dei faste teljepunkta.

Ny organisering

Miljøløftet sin organisering vart vidareutvikla i 2020 og 2021 og ny organisering blei vedteke av styringsgruppa 8. oktober 2021. Dei tidlegare faggruppene vart erstatta av fire nye geografiske arbeidsgrupper, der arbeidsgruppe Nord-øst, som omfattar Arne, Åsane og Alver vert leia av Alver kommune.

For vidare omtale av organisasjonsendingar vert det vist til Statusrapporten i vedlegg her.

Aktivitet i Alver kommune

- Gang- og sykkelvegen mellom Helsehuset i Knarvik og Såtabu-området vart ferdigstilt i 2021 med delfinansiering frå Miljøløftet på 4,1 millionar.
- I samband med den ovale rundkøyringa i Knarvik blei kulvert-anlegget delvis ferdigstilt i 2021. Dette er delfinansiert med 10,2 millionar frå Miljøløftet, bevilga over statsbudsjettet no i 2022.
- Ein mindre del av gang- og sykkelvegprosjektet på Mjåtveitvegen blei finansiert av belønningssmidlar over Miljøløftet. Prosjektet stod ferdig i 2021.
- BUA Frekhaug og Manger har fått til saman fire nye el- sykklar og to laste-el-sykklar er på veg, alt finansiert av belønningssmidlar via Miljøløftet.
- I tillegg til å sikre oppfølging av trafikk/mobilitetsplanar vart det lagt opp til å nytte ein mindre sum belønningssmidlar i samband med årlege ruteendingar og Skysst fekk såleis styrka tilbodet til Alver med nokre nye avgangar på utvalde linjer hausten 2021.
- Fv5308, - med utbetring av Sagstadvegen, - her pågjekk det prosjektering i 2021.
- Fv5476 Kvamsbrekka: Prosjektering pågjekk i 2021.
- Gjennom Miljøløftet har Alver kommune i 2021 arbeidd med kommunikasjon og haldningsendrande arbeid. Internasjonal vintersyklingsdag, fotokonkurranse, sykle til jobben- aksjon, sykkelservice-turne med gratis sykkelservice, mobilitetsveke og politisk seminar er stikkord for Alver sitt engasjement her, med tilstellingar og arrangement på Frekhaug, Manger og i Knarvik.
- Alver har også vore involvert i reviderte prinsipp for innfartsparkering i Bergensområdet i 2021.

Vurdering

Statusrapporten for 2021 syner at det er stor og god aktivitet i Miljøløftet og at Alver kommune er ein aktiv part i samarbeidet. Kommunedirektøren rår til at kommunestyret tek rapporten til etterretning.

Vedlegg i saka:

Link til Miljøløftet, - med sentrale dokument, inkl. Statusrapport 2021: [Miljøløftet.no](https://miljoloftet.no)

Vedlegg i saken:

29.06.2022 Statusrapport 2021

1769408

Arkiv: <arkivID><jplD> FA-X03
JournalpostID:
Sakshandsamar:
Dato: 26.08.2022

Saksframlegg

Saksnr.	Utval	Møtedato
086/22	Alver formannskap	08.09.2022

TV-aksjonen 2022 - Leger uten grenser

Kommunedirektøren sitt framlegg til vedtak:

Alver kommune løyver kr. 50 000,- i kommunebidrag til TV-aksjonen 2022

Politisk handsaming

Saka skal avgjerast i formannskapet

Bakgrunn

TV-aksjonen 2022 går til Leger Uten Grensers arbeid for livreddende helsehjelp og medisiner til mennesker som trenger det mest.

Sjå: <https://blimed.no>

Arkiv: <arkivID><jplID> FE-151, FE-145
JournalpostID:
Sakshandsamar:
Dato: 31.08.2022

Saksframlegg

Saksnr.	Utval	Møtedato
036/22	Eldreråd	05.09.2022
040/22	Råd for menneske med nedsett funksjonsevne	05.09.2022
	Ungdomsråd	
022/22	Administrasjonsutval	07.09.2022
088/22	Alver formannskap	08.09.2022
	Alver kommunestyre	

Økonomiplan 2023-2026

Kommunedirektøren sitt framlegg til vedtak:

1. Framlegg til økonomiplan drift og rammer for 2023 i samsvar med § 5-4 bevillingsoversikt drift 1A og 1B vert vedteke.
Budsjett for 2023 vert oppdatert med lønns og prisvekst i samsvar med framlegg til statsbudsjettet for 2023, og vert lagt fram for kommunestyret til behandling i desember 2022.
2. Framlegg til investeringsplan for perioden 2023-2026 og investeringsbudsjettet for 2023 vert vedteke i samsvar med § 5-5 bevillingsoversikt investering 2A og 2B.
Kommunedirektøren oppdaterar investeringsbudsjettet for 2023 i samsvar med eventuell endring i framdrift på prosjekta som pågår i 2022. Dette betyr at eventuelle framdriftsjusteringar per 2. tertialrapport vert tatt inn i budsjettframlegget som blir vedtatt i desember.
3. Kommunestyret ber kommunedirektøren om å setje i gang takseringsarbeid for næringsseigedomar. Kommunestyret ber om å få lagt fram ei eiga sak i løpet av 2023 kor det går fram kva resultatet av takseringsarbeidet er, og ulike alternativ for utskrivning av eigedomsskatt på næring. Dette skal leggjast fram i god tid før kommunestyret skal fatte vedtak om innføring av eigedomsskatt på næring i samband med budsjettvedtaket for 2024. Taksteringsarbeidet skal finansierast med bruk av disposisjonsfond, og kostnaden skal takast inn i rapporteringa for 1 tertialrapport 2023 når det har vore gjennomført anbud og prisen på å gjennomføre takseringsarbeidet er kjent.

Politisk handsaming

Saka skal til uttale i administrasjonsutvalet, ungdomsråd, eldreråd og råd for menneske med nedsett funksjonsevne

Saka skal til innstilling i formannskapet

Saka skal avgjerast i kommunestyret

Lenke til økonomiplan: https://pub.framsikt.net/2023/alver/bm-2023-økplan_23-26_-_oppd_per_31082022/

Vedlegg i saken:

31.08.2022	22/45690 Budsjett 2023 - søknad	1793644
07.06.2022	Alver kommune Budsjettinnspel 2023 og økonomiplan 23-26	1751106
09.05.2022	Saksframlegg sak 2822 - Alver kontrollutval	1736347
09.05.2022	Særutskrift sak 2822 frå Protokoll - Alver kontrollutval	1736348

Arkiv: <arkivID><jplID> FE-033
JournalpostID:
Sakshandsamar:
Dato: 02.08.2022

Saksframlegg

Saksnr.	Utval	Møtedato
089/22	Alver formannskap	08.09.2022

Melding/orientering til formannskapet 08.09.2022

Kommunedirektøren sitt framlegg til vedtak:

Meldinga vert teke til orientering

Politisk handsaming

Saka skal avgjerast i formannskapet

Melding/orientering:

- Protokoll Regionrådet 03.06.2022 - vedlegg
- Status, prosjekt leining, kvalitetsforbetring og ressurseffektiv drift ved rådgjevar HO Eva Mikkelsen. Orienteringa vert i starten av møtet.
- Status, busetting flyktingar ved avd.leiar NAV Arngunna Haga
- Dekksak Hjelmås - vedlegg
- Godshavnprosessen
- Lonane - vedlegg
- Invitasjon til fylkestinget sin kulturkveld på Mongstad 28. september - vedlegg
- Vidare arbeid med byvekstavtalene - vedlegg
- Rettsak Equinor – uoff.

Vedlegg i saken:

29.06.2022	Protokoll Regionrådet 4-2022, 3. juni	1769776
29.06.2022	Sak 23-22. Notat - Byrådssak - E16-E39 Arna - Vågsbotn - Klauvaneset	1769777
29.06.2022	Sak 24-22. Nordhordland - folketal og demografi 01.01.2022	1769778
29.06.2022	Sak 25-22. Regional næringsstrategi - presentasjon RR 3. juni	1769779
01.09.2022	Invitasjon til fylkestinget sin kulturkveld på Mongstad 28. september	1794230
01.09.2022	Videre arbeid med byvekstavtalene	1794268
01.09.2022	Påmeldt deltakelse digitalt	1794269
01.09.2022	Statusmøte byvekstavtaler	1794270